



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-55454/24
Sarajevo, 15.01.2025. godine

SKUPŠTINA KANTONA SARAJEVO

PREDMET : Odgovor na zastupničku inicijativu – dostavlja se

Zastupnica Fatima Gavrankapetanović-Smailbegović, na 19. radnoj sjednici Skupštine Kantona Sarajevo, održanoj dana 30.12.2024. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo uputila je sljedeću inicijativu Ministarstvu zdravstva Kantona Sarajevo:

„Upućujem inicijativu Ministarstvu zdravstva KS da u okviru planiranog budžeta za kapitalne investicije planira nabavku opreme za fizijatrijsko-rehabilitacijske kabinete u domovima zdravlja u KS. Oprema u tim kabinetima je zastarjela (iz 1997. i 1998. g) kvari se, često se servisira što ima za posljedicu stvaranje liste čekanja za tu vrstu usluge. Svjedoci smo da veliki broj naših građana zahtjeva ovu vrstu usluge te Vas molim da opremanje ovih kabineta stavite među prioritete.“

U vezi sa upućenom zastupničkom inicijativom dostavljamo sljedeći

ODGOVOR

Budžetom Kantona Sarajevo za 2024. godinu planirana su sredstva u ukupnom iznosu od 1.350.000 KM za kupovinu nove medicinske i nemedicinske opreme za potrebe JU Dom zdravlja Kantona Sarajevo. Navedenim sredstvima planirano je finansiranje nabavke opreme u okviru Projekta kupovine nove medicinske i nemedicinske opreme u svrhu efikasnijeg i kvalitetnijeg pružanja zdravstvenih usluga JU Dom zdravlja Kantona Sarajevo. Opremu, koja će biti finansirana sredstvima obezbijeđenim u budžetu Kantona Sarajevo, utvrdio je menadžment same ustanove i dostavio u okviru naprijed navedenog projekta.

Nakon provedene procedure izbora kreditora za kreditno zaduženje, Vlada Kantona Sarajevo je u mjesecu oktobru donijela Odluku o dugoročnom kreditnom zaduženju Kantona Sarajevo, kojom su između ostalih, za navedeni projekat obezbijeđena sredstva u iznosu 1.350.000 KM.

Na osnovu navedenog Ministarstvo zdravstva Kantona Sarajevo je sa JU Dom zdravlja Kantona Sarajevo potpisalo Sporazum o finansiranju kupovine nove medicinske i nemedicinske

opreme za potrebe JU Dom zdravlja Kantona Sarajevo, broj: 10-11-46844/24 od 14.10.2024. godine. U okviru navedenog sporazuma predviđena je nabavka opreme za centre za fizikalnu terapiju (aparati za tens terapiju, aparati za terapiju ultrazvukom, aparati za elektroterapiju, aparati za terapiju niskofrekventnim elektromagnetnim poljem).

S poštovanjem,



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

